

Ո Ր Ո Շ ՈՒ Մ

Ճանապարհային ոստիկանության վարչական տույժ նշանակելու մասին 2011757326, 2011859371 և 2011859365 որոշումների հիմքում դրված փաստական հանգամանքների դեմ բերված գանգատն առանց բավարարման թողնելու մասին

<<21>> 12 2020թ. 7-13- 15869

ք.Երևան

Ճանապարհային ոստիկանության պետ, ոստիկանության գնդապետ Ե.Կարապետյանս, վերանայելով Արտակ Հակոբյանի ՄԴ/153232-20 դիմումի քննարկման արդյունքում ստեղծված նյութերը՝

Պ Ա Ր Զ Ե Ց Ի

Արարատի մարզի Մխչյան գյուղի Պ.Սեվակ փողոցի 24 տան բնակիչ Արտակ Հակոբյանը դիմումով խնդրել բեկանել Ճանապարհային ոստիկանության վարչական տույժ նշանակելու մասին թիվ մասին 2011757326, 2011859371 և 2011859365 որոշումները՝ նշելով, որ օգնություն է հասցրել Արցախում գտնվող կամավորական ջոկատներին:

Վարչական իրավախախտումների վերաբերյալ ՀՀ օրենսգրքի 286-րդ հոդվածի 1-ին մասի համաձայն Արտակ Հակոբյանը ճանաչվել է որպես խախտումը կատարած անձ, ուստի նրա կողմից ներկայացված գանգատը ենթակա է քննության:

Դիմումի քննարկման արդյունքում պարզվել է, որ դիմումատուի փաստարկը չի կարող վարչական ակտը բեկանելու հիմք հանդիսանալ հետևյալ պատճառաբանությամբ.

<<Տեսանկարահանող և լուսանկարահանող սարքերով հայտնաբերված ճանապարհային երթևեկության կանոնների խախտումների վերաբերյալ գործերով իրականացվող վարչական վարույթի առանձնահատկությունների մասին>> օրենքի 3-րդ հոդվածի 1-ին մասի համաձայն՝ վարչական վարույթի իրավախախտման հատկանիշների պարզման փուլում իրավախախտումը հիմնավորող ապացույցը իրավախախտումն ամրագրած տեսանյութն է կամ լուսանկարը, որը պարունակում է նաև տեխնիկական միջոցով արձանագրված տվյալները: Ըստ նույն հոդվածի 2-րդ մասի՝ որպես իրավախախտումը հիմնավորող ապացույց վարչական կամ դատական կարգով բողոքարկման վարույթում կարող են օգտագործվել Վարչական իրավախախտումների վերաբերյալ Հայաստանի Հանրապետության օրենսգրքի 251-րդ հոդվածով նախատեսված ապացույցները:

Վիճարկվող որոշումներով ամրագրվել է, որ <<MERCEDES-BENZ>> մակնիշի 36GP608 հաշվառման համարանիշի տրանսպորտային միջոցը ՀՀ Մ-2 64.4-րդ կմ և ՀՀ, Մ-2 65.9 կմ, Երասխ գյուղի հատվածներում գերազանցել է սահմանված արագությունը և ենթարկվել վարչական պատասխանատվության:

Դիմումատուն նշել է, որ իրավախախտումները կատարել է Արցախի Հանրապետությունում գտնվող կամավորական ջոկատների համար սնունդ և կենցաղային ապրանքներ տեղափոխելու ժամանակ:

<<Վարչական իրավախախտումների վերաբերյալ>> ՀՀ օրենսգրքի 17-րդ հոդվածի համաձայն՝ վարչական պատասխանատվության ենթակա չէ այն անձը, որը թեև սույն օրենսգրքով կամ վարչական իրավախախտումների համար վարչական պատասխանատվություն սահմանող այլ նորմատիվ ակտերով նախատեսված գործողություն է կատարել, սակայն գործել է ծայրահեղ անհրաժեշտության վիճակում, այսինքն՝ մի այնպիսի վտանգ վերացնելու համար, որը սպառնացել է պետական կամ հասարակական կարգին, սոցիալիստական սեփականությանը, քաղաքացիների իրավունքներին ու ազատություններին, կառավարման սահմանված կարգին, եթե այդ վտանգը տվյալ հանգամանքներում չէր կարելի վերացնել այլ միջոցներով և եթե հասցված վնասը կանխված վնասի համեմատությամբ ավելի նվազ կարևորություն ունի:

Վարչական վարույթի ընթացքում չի հիմնավորվել վիճարկվող որոշումով արձանագրված իրավախախտումները ծայրահեղ անհրաժեշտության վիճակում կատարելու հանգամանքը բավարար փաստական ապացույցների բացակայության պատճառով:

Վարչական վարույթի ընթացքում չի հիմնավորվել վիճարկվող որոշումամբ արձանագրված իրավախախտումները ծայրահեղ անհրաժեշտության վիճակում կատարելու հանգամանքը:

Ելնելով վերոգրյալից և ղեկավարվելով Վարչական իրավախախտումների վերաբերյալ ՀՀ օրենսգրքի 293-րդ հոդվածի 1-ին մասի 1-ին կետով՝

Ո Ր Ո Շ Ե Ց Ի

1. Ճանապարհային ոստիկանության վարչական տույժ նշանակելու մասին 2011757326, 2011859371 և 2011859365 որոշումների հիմքում դրված փաստական հանգամանքների դեմ բերված գանգատները թողնել առանց բավարարման:
2. **Հանձնարարել ՏՄՀԻՎԳՔ բաժնին՝ Արտակ Հակոբյանի անվամբ կայացնել նոր վարչական ակտ:**
3. Սույն որոշումը կարող է բողոքարկվել ՀՀ վարչական դատարան՝ ՀՀ օրենսդրությամբ սահմանված կարգով և ժամկետներում:
4. Սույն որոշման օրինակն ուղարկել Արտակ Հակոբյանին և **ՏՄՀԻՎԳՔ բաժնին:**

